

Արդյոք ո՞ւր ես դու...

Արդյոք ո՞ւր ես դու... Ա՛խ, արդյոք դու ո՞ր
Ճանապարհների հեռուն ես մաշում.
Երջանի՞կ ես, թե՞ լուռ ու մենավոր
Անդարձ օրերի գարունն ես հիշում:

Արդյոք քո սրտում ի՞նչ հույս է փայլում,
Ո՞ր հողն է զգվում քայլերը փափուկ,
Ո՞ր ջուրն է արդյոք յուր լույս հայելում
Մեղմով փաղաքշում դեմքը խուսափուկ:

Արդյոք խաղա՞ղ է սիրտը փոթորկոտ,
Արդյոք անցյալի լույսերը մեռած
Չե՞ն հուզում սիրտը, իմ հոգու կարոտ,
Իմ քնքուշ սիրած, իմ անդա՛րձ երագ:

Վահան Տերյան